

**Gipuzkoako  
Aldizkari  
Ofiziala****Boletín  
Oficial de  
Gipuzkoa****249**

2021eko abenduaren 30a, osteguna

**1****GIPUZKOAKO LURRALDE HISTORIKOKO XEDAPEN OROKORRAK****DIPUTACIÓN FORAL DE GIPUZKOA****DEPARTAMENTO DE HACIENDA Y FINANZAS**

*15/2021 Foru Dekretua, abenduaren 28koa, zeinaren bidez aldatzen baitira TicketBAI betebeharraren Erregelamendua onesten duen foru dekretua, zerga betebeharraren formal jakin batzuk garatzen dituen Erregelamendua, eta Pertsona Fisikoen Errentaren gaineko Zergaren eta Sozietateen gaineko Zergaren Erregelamenduak, eta ondare elementuen eskualdaketan lortutako errentak bi zerga horietan zehazteko 2022an aplikatu beharreko eguneratze koefizienteak onesten baitira.*

Foru dekretu honen bitartez, batetik, erregelamendu izaerakoak diren zenbait xedapen aldatzen dira, eta, bestetik, ezartzen da zer eguneratze koefiziente aplikatuko diren 2022an ondare irabazi eta galerak pertsona fisikoen errentaren gaineko zergan kalkulatzeko eta, orobat, urte horretan zuzenketa monetarioko zer koefiziente izango diren aplikagarriak sozietateen gaineko zergan ondare elementuen eskualdaketatik datorren errenta zehazteko.

Foru dekretuak lau artikuluko ditu, bi xedapen gehigarri, xedapen iragankor bat eta azken xedapen bat.

Horrela, aurreneko neurri multzoari dagokionez, 1. artikuluan abenduaren 17ko 47/2013 Foru Dekretuaren bidez onetsitako Zerga betebeharraren formal jakin batzuk garatzen dituen Erregelamendua aldatzen da, 54. artikuluko 5. paragrafoaren c) letraren bigarren paragrafoak urriaren 5eko 12/2021 Foru Dekretuaren bidez egindako aldaketaren ondoren indarrean duen idazkeran aurkitutako akatsa zuzentzeko. Atzerrian gordailutu, kudeatu edo lortutako balore, eskubide, aseguru eta errentei buruz informatzeko betebeharrak arautzen da artikuluko horretan.

2. artikulua Pertsona Fisikoen Errentaren gaineko Zergaren Erregelamendua aldatzen du, hain zuzen ere, urriaren 14ko 33/2014 Foru Dekretuaren bidez onetsitakoa, 2022. urtean lan etekinei aplikatu beharreko atxikipen portzentajeen taula aldatzeko. Izan ere, beharrezko gertatzen da taula hori egokitzea oinarri likidagarri orokorrari aplikagarri zaion tarifaren deflaktaziora eta ondorengo ahaideen kenkariak izan duen eguneratzerara, Gipuzkoako Lurralde Historikoko 2022. urterako Aurrekontu Orokorra onesten dituen abenduaren 22ko 6/2021 Foru Arauak ezarritakoarekin bat.

Gainera, 12.1.f) artikulua arau erreferentzia bat zuzentzen da, dagoeneko zaharkituta zegoena.

3. artikulua aldatzen du Gipuzkoako Lurralde Historikoko Sozietateen gaineko Zergaren Erregelamendua, ekainaren 16ko 17/2015 Foru Dekretuaren bidez onetsia, kultura sustatzea helburu duten pizgarrien erregulazioan zenbait doikuntza egiteko.

4. artikulua abenduaren 22ko 32/2020 Foru Dekretua aldatzen du, TicketBAI betebeharra garatzen duen Erregelamendua onestekoa. Aldaketa horren helburua da zergadunei aukera ematea betebeharrak hori borondatez betetzearen aldeko hautua errebokatzeko, ezarpen egutegiaren arabera obligazio hori derrigorrezkoa izan baino lehen.

Bestalde, foru dekretuaren lehen xedapen gehigarrian pertsona fisikoen errentaren gaineko zergan ondare irabaziaz eta galerak kalkulatzeko 2022an aplikatuko diren eguneratze koefizienteak jasotzen dira, eta bigarren xedapen gehigarrian, bere aldetik, ezartzen da urte horretan monetaren balio galeratik zer koefiziente aplikatuko diren sozietateen gaineko zergan ondare elementuen eskualdaketatik datorren errenta zehazteko.

Horri dagokionez, Gipuzkoako Lurralde Historikoko Pertsona Fisikoen Errentaren gaineko Zergari buruzko urtarrilaren 17ko 3/2014 Foru Arauaren 45. artikulua ezartzen du eskualdaketa balioarekiko aldea kalkulatzeko eta, horrela, kostu bidezko ondare eskualdaketa batean izandako irabaziaren edo galeraren zenbatekoa zehazteko kontuan hartu behar den balioa erregelamendu bidez onartzen diren koefizienteak aplikatuz eguneratuko dela. 46. artikulua dio kostu gabeko ondare eskualdaketetan ere erregela bera aplikatuko dela.

Bestalde, Gipuzkoako Lurralde Historikoko Sozietateen gaineko Zergari buruzko urtarrilaren 17ko 2/2014 Foru Arauaren 40.9 artikulua xedatzen duenez, ibilgetu materialaren, ukiezinaren eta ibilgetuko inbertsioen ondare elementuak eskualdatzean lortutako errenta positiboak zerga oinarrian integratzeko, monetaren balio galeraren zenbatekoa kenduko da, errenta horien mugaraino.

Azkenik, foru dekretu hau xedapen iragankor batek eta azken xedapen batek osatzen dute.

Martxoaren 8ko 2/2005 Foru Arauak, Gipuzkoako Zergen Foru Arau Orokorrak, azken xedapenetako hamazortzigarrenean ahalmena ematen dio Gipuzkoako Foru Aldundiari aipatu den foru araua garatu eta aplikatzeko beharrezkoak diren xedapen guztiak eman ditzan.

Gipuzkoako Lurralde Historikoko Pertsona Fisikoen Errentaren gaineko Zergari buruzko urtarrilaren 17ko 3/2014 Foru Arauak azken xedapenetako bigarrenean ezartzen duenez Gipuzkoako Foru Aldundiak behar diren xedapenak eman ditzake foru arau hau garatu eta exekutatzeko.

Gipuzkoako Lurralde Historikoko Sozietateen gaineko Zergari buruzko urtarrilaren 17ko 2/2014 Foru Arauak azken xedapenetako bigarrenean ezartzen duenez Gipuzkoako Foru Aldundiak behar diren xedapenak eman ditzake foru arau hau garatu eta exekutatzeko.

Horrenbestez, Ogasun eta Finantza Departamentuko foru diputatuak proposaturik, Lege Aholkularitzako Batzordearekin bat etorriz, eta Diputatuen Kontseiluak gaurko bileran eztabaidatu eta onartu ondoren, honako hau

#### XEDATZEN DUT

*1. artikulua. Aldatzea Zerga betebeharrak formal jakin batzuk garatzen dituen Erregelamendua, abenduaren 17ko 47/2013 Foru Dekretuaren bidez onetsia.*

Abenduaren 17ko 47/2013 Foru Dekretuaren bidez onetsitako Zerga betebeharrak formal jakin batzuk garatzen dituen Erregelamenduko 54. artikuluan 5. apartatuko c) letraren bigarren paragrafoa aldatzen da, eta honela geratzen da idatzita:

«Aurrekoa gorabehera, derrigorrezkoa izango da aitortpena artikuluko honen 2. eta 3. apartatuetako azken paragrafoan jasotako kasuetan aurkeztea, bertan aipatzen diren balore, eskubide, akzio eta partaidetzei dagokienez, baldin eta, artikuluko honetan xedatutakoa betez, horiek atzerriko ondasun eta eskubideei buruzko aurreko aitortpen informatibo batean sartu badira.»

**2. artikulua.** *Aldatzea Pertsona Fisikoen Errentaren gaineko Zergaren Erregelamendua, urriaren 14ko 33/2014 Foru Dekretuaren bidez onetsia.*

Aldaketa hauek sartzen dira urriaren 14ko 33/2014 Foru Dekretuaren bidez onetsitako Pertsona Fisikoen Errentaren gaineko Zergaren Erregelamenduan:

**Bat.** 12.1. artikuluko f) letra honela geratzen da idatzita:

«f) Agindua, 2021eko uztailaren 21ekoa, Lurralde Plangintza, Etxebizitza eta Garraioetako sailburuarena, etxebizitzaren eta eraikinen birgaitzearen, irisgarritasunaren eta energia efizientziaren arloko jarduketarako babesgarrietarako finantza neurriei buruzkoa.»

**Bi.** Hamalagarren xedapen gehigarria honela geratzen da idatzita:

«Hamalagarren xedapen gehigarria. Lan etekinei 2022an aplikatuko zaizkien atxikipen portzentajeen taula.

1. 100. artikuluko 1. apartatuan xedatutakoa gorabehera, 2022ko urtarrilaren 1etik abenduaren 31 bitartean, lan etekinei aplikatuko zaizkien atxikipen portzentajeen taula orokorra honako hau izango da:

Urteko etekina Importe rendimiento anual (€)		Ondorengo ahaideen kopurua Número de descendientes							Gehiago Más
Behe muga Desde	Goi muga Hasta	0	1	2	3	4	5		
0,00	14.000,00	0	0	0	0	0	0	0	
14.000,01	14.790,00	5	3	0	0	0	0	0	
14.790,01	15.530,00	6	4	2	0	0	0	0	
15.530,01	16.460,00	7	5	3	0	0	0	0	
16.460,01	17.700,00	8	6	4	0	0	0	0	
17.700,01	19.150,00	9	7	5	2	0	0	0	
19.150,01	20.660,00	10	8	7	3	0	0	0	
20.660,01	22.020,00	11	10	8	5	1	0	0	
22.020,01	23.540,00	12	11	9	6	3	0	0	
23.540,01	25.360,00	13	12	10	8	4	0	0	
25.360,01	27.540,00	14	13	11	9	6	2	0	
27.540,01	30.140,00	15	14	13	10	8	4	0	
30.140,01	33.230,00	16	15	14	12	9	6	0	
33.230,01	37.460,00	17	16	15	13	11	8	0	
37.460,01	40.700,00	18	17	16	15	13	10	3	
40.700,01	43.840,00	19	18	17	16	14	12	5	
43.840,01	47.530,00	20	19	18	17	15	13	7	
47.530,01	51.420,00	21	20	20	18	17	15	9	
51.420,01	55.650,00	22	21	21	19	18	16	11	
55.650,01	59.140,00	23	22	22	21	19	18	12	
59.140,01	63.080,00	24	23	23	22	21	19	14	
63.080,01	67.570,00	25	25	24	23	22	20	16	

Urteko etekina Importe rendimiento anual (€)		Ondorengo ahaideen kopurua Número de descendientes						
Behe muga Desde	Goi muga Hasta	0	1	2	3	4	5	Gehiago Más
67.570,01	72.700,00	26	26	25	24	23	22	17
72.700,01	78.160,00	27	27	26	25	24	23	19
78.160,01	83.030,00	28	28	27	26	25	24	20
83.030,01	88.560,00	29	29	28	27	27	25	22
88.560,01	94.660,00	30	30	29	29	28	27	23
94.660,01	101.910,00	31	31	30	30	29	28	25
101.910,01	109.880,00	32	32	31	31	30	29	26
109.880,01	119.000,00	33	33	32	32	31	30	28
119.000,01	129.790,00	34	34	33	33	32	32	29
129.790,01	142.100,00	35	35	34	34	33	33	31
142.100,01	155.630,00	36	36	36	35	35	34	32
155.630,01	172.010,00	37	37	37	36	36	35	33
172.010,01	192.250,00	38	38	38	37	37	36	35
192.250,01	213.160,00	39	39	39	38	38	37	36
213.160,01	Hortik aurrera/ En adelante	40	40	40	39	39	39	37

2. 100. artikuluko 4. apartatuan xedatutakoa gorabehera, 2022ko urtarrilaren 1etik 2022ko abenduaren 31 bitartean, taula orokorra aplikatuta ateratzen den atxikipen portzentajea zenbatean murriztuko den jakiteko, honako eskala aplikatuko da:

Urteko etekina Importe rendimiento anual (€)		Desgaitasun maila Grado de discapacidad		
Behe muga Desde	Goi muga Hasta	4.a) apartatua Apartado 4.a)	4.b) apartatua Apartado 4.b)	4.c) apartatua Apartado 4.c)
0,01	23.540,00	9		12
23.540,01	30.140,00	7		12
30.140,01	43.840,00	6		10
43.840,01	51.420,00	5		10
51.420,01	72.700,00	4		8
72.700,01	109.880,00	3		6
109.880,01	172.010,00	2		5
172.010,01	Hortik aurrera/ En adelante	1		3»

3. artikulua. Aldatzea Sozietateen gaineko Zergaren Erregelamendua, ekainaren 16ko 17/2015 Foru Dekretuaz onetsia.

2022ko urtarrilaren 1etik aurrera hasitako zergaldietarako ondorioekin, ekainaren 16ko 17/2015 Foru Dekretuaren bidez onetsitako Sozietateen gaineko Zergaren Erregelamenduari seigarren xedapen gehigarriaren 1. apartatua aldatzen zaio, eta honela geratzen da idatzita:

«1. Zergaren foru arauaren hamabosgarren xedapen gehigarriaren bat.3.b) apartatuko azken paragrafoan aipatzen den baldintza filmaketa lana hasi aurreko zergaldian bete beharko da.»

*4. artikulua. Aldatzea abenduaren 22ko 32/2020 Foru Dekretua, TicketBAI betebeharra garatzen duen Erregelamendua onesten duena.*

2022ko urtarrilaren 1etik aurrerako ondorioekin, aldaketak sartzen dira TicketBAI betebeharra garatzen duen Erregelamendua onetsi zuen abenduaren 22ko 32/2020 Foru Dekretuaren lehen xedapen gehigarriaren 1. apartatuan, eta honela geratzen da idatzita:

«1. Zergadunek TicketBAI betebeharra borondatez betetzeko aukera izango dute 2021eko urtarrilaren 1etik xedapen iragankor bakarrean xedatutakoaren arabera nahitaez bete beharrekoa izan arte.»

*Lehen xedapen gehigarria. 2022ko ekitaldian aplikatu beharreko eguneratze koefizienteak, Gipuzkoako Lurralde Historikoko Pertsona Fisikoen Errentaren gaineko Zergari buruzko urtarrilaren 17ko 3/2014 Foru Arauak 45.2 artikuluan xedatutakoaren ondorioetarako.*

Urtarrilaren 17ko 3/2014 Foru Arauak, Gipuzkoako Lurralde Historikoko Pertsona Fisikoen Errentaren gaineko Zergarenak, 45.2 artikuluan xedatutakoaren ondorioetarako, 2022ko ekitaldian egiten diren eskualdaketei eguneratze koefiziente hauek aplikatuko zaizkie:

<u>Ekitaldiak</u>	<u>Koefizienteak</u>
1994 eta aurrekoak	1,700
1995	1,805
1996	1,739
1997	1,700
1998	1,662
1999	1,617
2000	1,562
2001	1,504
2002	1,451
2003	1,411
2004	1,370
2005	1,326
2006	1,282
2007	1,247
2008	1,198
2009	1,194
2010	1,174
2011	1,139
2012	1,113

2013	1,096
2014	1,094
2015	1,094
2016	1,094
2017	1,073
2018	1,056
2019	1,046
2020	1,046
2021	1,020
2022	1,000

Guztiarekin ere, ondare elementua 1994ko abenduaren 31n eskuratu bada, 1995. urteari dagokion eguneratze koefizientea aplikatuko da.

*Bigarren xedapen gehigarria. Moneta zuzenketako koefizienteak, 2022ko ekitaldian aplikagarriak, Gipuzkoako Lurralde Historikoko Sozietateen gaineko Zergari buruzko urtarrilaren 17ko 2/2014 Foru Arauaren 40.9 artikuluan xedatutakoaren ondorioetarako.*

2022. urtean hasten diren zergaldiei dagokienez, Gipuzkoako Lurralde Historikoko Sozietateen gaineko Zergari buruzko urtarrilaren 17ko 2/2014 Foru Arauak 40.9 apartatuan aurreikusten dituen koefizienteak honako hauek izango dira:

<u>Ekitaldia</u>	<u>Koefizienteak</u>
1983 eta aurrekoak	2,627
1984	2,386
1985	2,203
1986	2,074
1987	1,975
1988	1,887
1989	1,797
1990	1,727
1991	1,669
1992	1,619
1993	1,605
1994	1,573
1995	1,501
1996	1,448

1997	1,424
1998	1,482
1999	1,429
2000	1,333
2001	1,314
2002	1,292
2003	1,273
2004	1,257
2005	1,234
2006	1,211
2007	1,169
2008	1,141
2009	1,129
2010	1,126
2011	1,112
2012	1,103
2013	1,096
2014	1,096
2015	1,090
2016	1,083
2017	1,064
2018	1,049
2019	1,036
2020	1,027
2021	1,020
2022	1,000

Koefizienteak honela aplikatuko dira:

a) Eskurapen prezioaren edo ekoizpen kostuaren ganean, ondare elementua zein urtetan eskuratu edo ekoiztu den kontuan hartuta. Hobekuntzei aplikatu beharreko koefizientea hobekuntzak egin diren urteari dagokiona izango da.

b) Kontabilizatutako amortizazioen ganean, zein urtetan egin ziren kontuan hartuta.

*Xedapen iragankor bakarra. 2022an filmatzen hasten diren film luze zinematografikoen eta ikus-entzunezko serieen ekoizpenak.*

Ekainaren 16ko 17/2015 Foru Dekretuaren bidez onetsitako Sozietateen gaineko Zergaren Erregelamenduko seigarren xedapen gehigarriaren 1. apartatuan xedatutakoa gorabehera, film luze zinematografikoen eta ikus-entzunezko serieen produkzio espainiarrak 2022an filmatzen hasten badira, egindako inbertsioen kenkaria aplikatzeko aintzat hartuko den erreferentzia urtea, Gipuzkoako Lurralde Historikoko Sozietateen gaineko Zergari buruzko urtarrilaren 17ko 2/2014 Foru Arauaren hamabosgarren xedapen gehigarriko bat.3.b) apartatuaren azken paragrafoan aurreikusitako betekizunaren ondorioetarako, 2021 edo 2022 izaten ahalko da.

*Azken xedapen bakarra. Indarrean jartzea eta ondorioak izatea.*

Foru dekretu hau Gipuzkoako ALDIZKARI OFIZIALEAN argitaratzen den egunean jarriko da indarrean, bere xedapenetan espresuki jasotako ondorioak eragotzi gabe.

Donostia, 2021eko abenduaren 28a.

DIPUTATU NAGUSIA,  
Markel Olano Arrese.

OGASUN ETA FINANTZA  
DEPARTAMENTUKO  
FORU DIPUTATUA,  
Jokin Perona Lerchundi. (8391)